

Na osnovu člana 5. stav (1) Pravilnika o provođenju postupka dodjele sredstava za subvencioniranje dijela kamatne stope privrednim subjektima sa područja Tuzlanskog kantona broj: 02/1-11-14341/26 od 12.05.2026. godine, Ministarstvo privrede Tuzlanskog kantona, objavljuje

JAVNI POZIV

za odabir banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona za 2026. godinu privrednim subjektima sa područja Tuzlanskog kantona

I. PREDMET JAVNOG POZIVA

Predmet Javnog poziva za odabir banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona za 2026. godinu privrednim subjektima sa područja Tuzlanskog kantona (u daljem tekstu: Javni poziv) jeste prikupljanje ponuda radi izbora banke – partnera za plasman kreditne linije privrednim subjektima sa područja Tuzlanskog kantona, uz subvencioniranje dijela kamatne stope iz sredstava Budžeta Tuzlanskog kantona za 2026. godinu u visini do 3%.

II. CILJ JAVNOG POZIVA

Cilj Javnog poziva je izbor banke koja ispunjava propisane uslove i ostvari najveći broj bodova u skladu sa kriterijima utvrđenim ovim javnim pozivom, radi uspostavljanja kreditne linije uz subvencioniranje dijela kamatne stope za privredne subjekte sa područja Tuzlanskog kantona, s ciljem unapređenja poslovanja i likvidnosti privrednih subjekata, jačanje njihove tržišne konkurentnosti, poticanja investicija u razvoj i modernizaciju, podrške inovacijama i tehnološkom napretku, te doprinosa ukupnom privrednom razvoju Tuzlanskog kantona.

III. OBEZBJEĐENJE I VISINA SREDSTAVA

- a) Sredstva u iznosu od 1.000.000,00 KM (slovima: jedan milion konvertibilnih maraka) namijenjena za subvencioniranje dijela kamatne stope privrednim subjektima, obezbijedena su i planirana u Budžetu Tuzlanskog kantona za 2026. godinu sa ESCROW računa, u okviru potrošačke jedinice 11010017.
- b) Sredstva iz tačke a) odobravaju se putem godišnjeg Programa za subvencioniranje dijela kamatne stope privrednim subjektima, sanaciju i restrukturiranje privrednih subjekata, pomoći privrednim subjektima u poteškoćama i kupovinu dionica ili udjela u privrednim društvima iz sredstava ostvarenih u procesu privatizacije i deponovanih kod Razvojne banke Federacije BiH (sredstva na ESCROW računu) koji se donosi u skladu sa Zakonom o izvršenju Budžeta Tuzlanskog kantona.
- c) Kamatna stopa za korisnike kreditne linije utvrđuje se u skladu sa kamatnom stopom ponudenom od strane banke, s tim da korisnici ostvaruju pravo na subvencioniranje dijela kamatne stope u visini do 3% iz sredstava ESCROW računa planiranih za 2026. godinu.
- d) Vlada Tuzlanskog Kantona (u daljem tekstu: Vlada Kantona) će za subvencioniranje dijela kamatne stope obezbijediti sredstva u ukupnom iznosu od 1.000.000,00 KM, dok je banka dužna vršiti plasman kreditnih sredstava i obračun subvencionirane kamatne stope u okviru odobrenih i raspoloživih sredstava. Eventualne obaveze nastale iznad odobrenog iznosa sredstava ne mogu teretiti Budžet Tuzlanskog kantona, te iste u cijelosti snosi banka.

IV. PRAVO UČEŠĆA

- a) Pravo učešća po ovom Javnom pozivu imaju banke sa sjedištem na području Bosne i Hercegovine koje ispunjavaju uslove propisane poglavljem VI ovog Javnog poziva.
- b) Pravo učešća po Javnom pozivu banke za izbor korisnika sredstava kreditne linije uz subvencioniranje dijela kamatne stope privrednim subjektima sa područja Tuzlanskog kantona imaju privredni subjekti sa područja Tuzlanskog kantona, izuzev privrednih subjekata čija registrovana djelatnost spada u oblast trgovine, osim grane 45.2 – Održavanje i popravak motornih vozila, u skladu sa Klasifikacijom djelatnosti KD BiH 2010 („Službeni glasnik Bosne i Hercegovine“, broj: 47/10), kao i oblasti turizma, ugostiteljstva, prevoza stvari, robe i putnika, osim grane 52.1 – Skladištenje robe, te proizvodnje oružja i vojne opreme, proizvodnje duhanskih proizvoda i alkoholnih pića, primarne poljoprivrede, izuzev prerađivačke djelatnosti, kao i otvaranja kasina i drugih igara na sreću.

V. KRITERIJI I POSTUPAK ZA IZBOR BANKE

- a) Ocjena i rangiranje prijava vršit će se na osnovu ponude dostavljene uz prijavu banke, primjenom kriterija utvrđenih ovim Javnim pozivom. Maksimalan broj bodova koji ponudač može ostvariti iznosi 30 bodova, a bodovanje se vrši prema sljedećim kriterijima:

R. br.	Kriterij	Uslovi	Broj bodova
1.	Visina sredstava za kreditnu liniju	Više od 25 miliona KM	10
		22,1 - 25 miliona KM	8
		18,1 - 22 miliona KM	6
		14,1- 18 miliona KM	4
		Do 14 miliona KM	2
2.	Visina kamatne stope (%)	Do 3%	5
		3,01 - 3,5%	4
		3,51 - 4%	3
		4,1 - 4,5%	2
		4,51% i više	1
3.	Visina troškova obrade kredita	0 - 0,5%	5
		0,51 - 0,75%	3
		0,76 - 1%	1
4.	Maksimalan rok otplate kredita	61 - 72 mjeseci	5
		49 - 60 mjeseci	3
		36 - 48 mjeseci	1
5.	Grace period	12 i više mjeseci	5
		9 - 11 mjeseci	3
		6 - 8 mjeseci	1

- b) Postupak izbora banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona provodi Komisija koju imenuje ministar privrede (u daljem tekstu: Komisija). Komisija vrši pregled, analizu i ocjenu pristiglih prijava te sačinjava

zapisnik koji sadrži podatke o dostavljenoj dokumentaciji kojom se dokazuje ispunjenost uslova za učešće, kao i podatke o izvršenoj analizi i ocjeni prijava u skladu sa kriterijima utvrđenim Javnim pozivom.

- c) Na osnovu izvršene analize i ocjene prijava, Komisija sačinjava rang listu na osnovu koje ministar donosi odluku o izboru banke koja ispunjava uslove iz Javnog poziva i koja je, u skladu sa utvrđenim kriterijima, ostvarila najveći broj bodova, a na koju saglasnost daje Vlada Kantona.
- d) U slučaju da su dvije ili više prijava ostvarile najveći ili isti broj bodova, prednost ima prijava koja je ostvarila ukupno više bodova po osnovu dodatnih kriterija:
 - Visina sredstava za kreditnu liniju,
 - Visina kamatne stope,
 - Visina troškova obrade kredita.
- e) U slučaju da i nakon provedene procedure iz tačke d) ovog poglavlja dvije ili više prijava imaju isti broj bodova, ministar donosi odluku o izboru banke dajući prednost banci koja je ponudila nižu kamatnu stopu.
- f) Nakon donošenja odluke o izboru banke, Vladi Kantona predlaže se zaključivanje Ugovora o poslovnoj saradnji sa izabranom bankom radi realizacije kreditne linije uz subvencioniranje dijela kamatne stope.
- g) Predmet Ugovora iz tačke f) ovog poglavlja je uređenje načina plasmana kreditne linije uz subvencioniranje dijela kamatne stope privrednim subjektima putem izabrane banke, kojim se uređuju prava i uslovi podnošenja prijava za korištenje kreditnih sredstava, visina kreditne linije, najviši iznos kreditnih sredstava po pojedinačnom privrednom subjektu, visina i način realizacije subvencionirane kamatne stope, način monitoringa i izvještavanja Vlade Kantona o realizaciji kreditne linije, kao i međusobna prava i obaveze ugovornih strana i druga pitanja od značaja za realizaciju sredstava.
- h) Sve banke, učesnice u postupku po Javnom pozivu, bit će obaviještene o odluci i rezultatima Javnog poziva, u roku od 7 (sedam) dana od dana donošenja odluke.
- i) Učesnici u postupku po Javnom pozivu imaju pravo podnijeti prigovor na odluku o izboru banke, u roku od 8 (osam) dana od dana prijema obavještenja o rezultatima Javnog poziva. O prigovoru se odlučuje u roku od 15 (petnaest) dana od dana njegovog prijema, a donesena odluka je konačna. Podnošenje prigovora odgađa izvršenje odluke o izboru banke do donošenja odluke po prigovoru.

VI. USLOVI ZA UČEŠĆE I POTREBNA DOKUMENTACIJA

Banke koje podnose prijavu dužne su da uz uredno popunjen Prijavni obrazac dostave svu dokumentaciju propisanu Javnim pozivom. Prijavni obrazac objavljuje se uz Javni poziv, čini njegov sastavni dio i dostupan je na internet stranici Ministarstva privrede Tuzlanskog kantona: <https://mptk.gov.ba/>.

I. Uslovi za učešće – lična situacija

U svrhu dokazivanja ispunjenosti uslova koji se odnose na ličnu situaciju, banke koje podnose prijavu po ovom Javnom poziv dužne su dostaviti sljedeću dokumentaciju:

- a) Aktuelni izvod iz sudskog registra, ne stariji od 3 (tri) mjeseca od dana podnošenja prijave ili odgovarajući ekvivalentni dokument koji izdaje nadležni sudski ili upravni organ u Bosni i Hercegovini ili u zemlji porijekla podnosioca prijave;
- b) Izvod iz sudskog registra ili odgovarajući ekvivalentni dokument koji izdaje nadležni sudski ili upravni organ u Bosni i Hercegovini ili u zemlji porijekla podnosioca prijave, kojom se dokazuje

- da podnosilac prijave nije pravosnažno osuđen za krivična djela koja se odnose na njegovo poslovno ponašanje u periodu od 5 (pet) godina prije podnošenja prijave;
- c) Uvjerjenje nadležne porezne uprave o izmirenim obavezama po osnovu direktnih poreza i doprinosa za penziono-invalidsko i zdravstveno osiguranje, ne starije od tri (3) mjeseca od dana podnošenja prijave;
 - d) Uvjerjenje nadležnog suda ili organa uprave kod kojeg je podnosilac prijave registriran kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini, ne starije od tri (3) mjeseca od dana podnošenja prijave;
 - e) Certifikat Agencije za osiguranje depozita Bosne i Hercegovine;
 - f) Važeća dozvola za rad (licenca) izdata od nadležne Agencije za bankarstvo;
 - g) Uvjerjenje o poreznoj registraciji (ID broj) i Uvjerjenje o registraciji obveznika indirektnih poreza (PDV broj).

2. Uslovi za učešće – ekonomska i finansijska situacija

U svrhu dokazivanja ispunjenosti uslova koji se odnose na ekonomsku i finansijsku situaciju, banke koje podnose prijavu po ovom Javnom pozivu dužne su dostaviti sljedeću dokumentaciju:

- a) Finansijske izvještaje za 2025. godinu (bilans stanja i bilans uspjeha), sačinjene na obrascima i u skladu sa važećim propisima i odlukama Agencije za bankarstvo;
- b) Izvještaj o stanju kapitala banke na dan 31.12.2025. godine (Obrazac br. 1, Tabela C, tačka F – stopa neto kapitala), kao dokaz o ispunjavanju propisane stope adekvatnosti kapitala (najmanje 12%);
- c) Izjava odgovornog lica banke da je banka poslovala profitabilno u prethodne 3 (tri) poslovne godine;
- d) Izjava odgovornog lica banke da visina kapitala na dan 31.12.2025. godine nije manja od 100 miliona KM (slovima: stotinumiliona konvertibilnih maraka);
- e) Prijedlog obrasca izvještaja o implementaciji kreditne linije, koji treba sadržavati sve relevantne parametre za mjesečno izvještavanje o korisnicima, uključujući iznos plasmana, kamatnu stopu, rok otplate, iznos obračunate subvencije, projektovanu subvenciju za preostali period otplate, kao i podatke o broju zaposlenih kod korisnika na dan odobravanja kredita i za svaki izvještajni period.

3. Posebni uslovi kreditne linije

(1) Banke koje podnose prijavu po ovom Javnom pozivu dužne su ponuditi kreditnu liniju uz subvencioniranje dijela kamatne stope pod sljedećim uslovima:

- a) Namjenski kredit za stalna sredstva u najvišem pojedinačnom iznosu do 2.000.000,00 KM (slovima: dvamiliona konvertibilnih maraka);
- b) Maksimalni prihvatljivi trošak obrade zahtjeva je 1% od iznosa kredita;
- c) Minimalni prihvatljivi grace period od 6 mjeseci;
- d) Minimalni prihvatljivi rok otplate kredita je 36 mjeseci;
- e) Ponuđena kamatna stopa mora biti fiksna za rok otplate do 36 mjeseci, dok za duže rokove može biti varijabilna i vezana za referentnu kamatnu stopu (EURIBOR);
- f) Ukoliko je korisnik kreditnih sredstava imao ulaganja u stalna sredstva u prethodna 24 mjeseca, može se izvršiti refinansiranje predmetnog ulaganja kroz kreditnu liniju banke uz subvencioniranje dijela kamatne stope, pod uslovom da predmetna ulaganja nisu finansirana iz Budžeta Tuzlanskog kantona.

(2) Ispunjenost posebnih uslova kreditne linije utvrđivat će se na osnovu podataka navedenih u prijavnom obrascu banke, a banka snosi odgovornost za tačnost i vjerodostojnost dostavljenih podataka.

VII. PRAVA I OBAVEZE BANKE

- a) Nakon zaključivanja Ugovora o poslovnoj saradnji između Vlade Kantona i banke, banka je obavezna izvršiti objavu Javnog poziva za izbor korisnika sredstava kreditne linije uz subvencioniranje dijela kamatne stope privrednim subjektima sa područja Tuzlanskog kantona (u daljem tekstu: Javni poziv banke), a prijave sa potrebnom i potpunom dokumentacijom podnose se banci;
- b) Javni poziv banke, koji u skladu sa zaključenim Ugovorom o poslovnoj saradnji objavljuje odabrana banka, mora biti usklađen sa odredbama Pravilnika o provođenju postupka dodjele sredstava za subvencioniranje dijela kamatne stope privrednim subjektima sa područja Tuzlanskog kantona broj: 02/1-11-14341/26 od 12.05.2026. godine i ovog Javnog poziva, te se objavljuje na internet stranici banke, Vlade Kantona i Ministarstva privrede Tuzlanskog kantona (u daljem tekstu: Ministarstvo);
- c) Po isteku roka utvrđenog Javnim pozivom banke, Banka vrši pregled i razmatranje zaprimljenih prijava u skladu sa Ugovorom i Javnim pozivom banke, te poduzima druge aktivnosti u skladu sa svojim internim aktima;
- d) Odluku o izboru korisnika kreditne linije uz subvencioniranje dijela kamatne stope privrednim subjektima donosi banka, uz prethodno pribavljeno mišljenje Vlade Kantona na prijedlog Ministarstva;
- e) U skladu sa Ugovorom iz Poglavlja V tačka f) i odlukom iz tačke d) ovog poglavlja, banka zaključuje Ugovore sa korisnicima sredstava kreditne linije uz subvencioniranje dijela kamatne stope, te Ministarstvu dostavlja po jedan primjerak zaključenih ugovora sa korisnicima kreditnih sredstava, kao i drugu relevantnu dokumentaciju na zahtjev Ministarstva;
- f) Banka će iz sredstava namjenskog depozita Vlade Kantona, u skladu sa Ugovorom iz poglavlja V tačka f), vršiti isplatu iznosa koji se odnose na subvencioniranje dijela kamatne stope korisnika sredstava. Isplate će se vršiti kvartalno, uz prethodno pribavljenu saglasnost Vlade Kantona;
- g) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u potpunosti snosi rizik naplate odobrenih poticajnih kreditnih sredstava, odnosno glavnice i pripadajuće kamate;
- h) Banka se obavezuje da će vršiti monitoring korisnika sredstava u dijelu namjenskog korištenja kreditnih sredstava te da će Ministarstvu dostavljati mjesečne izvještaje o realizaciji kreditne linije, sa svim relevantnim podacima, pri čemu snosi odgovornost za tačnost i potpunost dostavljenih podataka;
- i) Banka će voditi posebnu računovodstvenu evidenciju za sve korisnike po ovoj kreditnoj liniji;
- j) Korisnik sredstava dužan je banci u roku i na način koji će biti određen ugovorom o kreditu dostaviti dva primjerka izvještaja sa dokazima o namjenskom utrošku sredstava iz ove kreditne linije, nakon čega banka jedan primjerak dostavlja Ministarstvu;
- k) Banka se obavezuje da će odobrenu kreditnu liniju i ostvarene rezultate promovirati tokom cijelog trajanja Ugovora, a u skladu sa Ugovorom i u saradnji sa Vladom Kantona i to putem elektronskih i pisanih medija, uz obavezu navođenja učešća Vlade Kantona u subvencioniranju dijela kamatne stope.

VIII. MJESTO I NAČIN PODNOŠENJA PRIJAVA

- a) Podnosilac prijave dužan je dostaviti uredno popunjen Prijavni obrazac, potpisan i ovjeren pečatom, a dokumentaciju traženu ovim javnim pozivom u originalu ili kopiji ovjerenom od strane nadležnog organa ili notara. Dostavljena dokumentacija ne smije biti starija od 3 (tri) mjeseca, računajući od dana objave Javnog poziva. Prijava sa cjelokupnom dokumentacijom dostavlja se u zatvorenoj koverti.
- b) Prijave se dostavljaju lično ili preporučenom poštom u zapečaćenim kovertama na adresu:

Ministarstvo privrede Tuzlanskog kantona

Pisarnica Vlade Tuzlanskog kantona, Fra Grge Martića 8, 75000 Tuzla

sa naznakom: „NE OTVARATI - Prijava na Javni poziv za odabir banke za plasman kreditne linije uz subvencioniranje dijela kamatne stope iz sredstava Budžeta Tuzlanskog kantona za 2026. godinu privrednim subjektima sa područja Tuzlanskog kantona“

- c) Na poleđini koverta obavezno se navodi: naziv podnosioca prijave, adresa i kontakt telefon, a koverta se ovjerava pečatom.

IX. ROK ZA PODNOŠENJE PRIJAVA NA JAVNI POZIV

- a) Rok za podnošenje prijave je 15 (petnaest) dana od dana objave Javnog poziva u dnevnom listu „Večernji list“ d.o.o. Mostar, na internet stranici Vlade Tuzlanskog kantona (<http://vladatk.gov.ba/>) i Ministarstva (<http://mptk.gov.ba>).
- b) Prijave podnesene nakon isteka roka za podnošenje prijave smatrat će se neblagovremenim i neće biti uzete u razmatranje.

X. OSTALE ODREDBE

- a) U postupku po Javnom pozivu ni Vlada Kantona niti Ministarstvo ne snose nikakve troškove učesnika Javnog poziva, te zadržavaju pravo da ponište Javni poziv, ili odbace sve prijave u bilo kojem trenutku prije zaključenja Ugovora o poslovnoj saradnji. Vlada Kantona i Ministarstvo ne snose odgovornost prema učesnicima Javnog poziva za aktivnosti i troškove koje su preduzeli, odnosno imali u svrhu pripreme i podnošenja prijave.
- b) Nepotpune i neuredne prijave neće biti uzete u razmatranje.
- c) Prispjela dokumentacija se ne vraća podnosiocu prijave. Dodatne informacije u vezi sa Javnim pozivom mogu se dobiti isključivo putem upita upućenog na e-mail adresu: mp@tk.kim.ba.

Broj: 03/1-11- 17292/26

Tuzla, 01.06.2026. godine



MINISTAR

Edin Đuraković, dipl. pravnik